



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Acta Ecclesiae Mediolanensis**

Actorvm Ecclesiae Mediolanensis, Pars Tertia - In Qva, Liber Memorialis Ad  
populum Ciuitatis, & Dioecesis Mediolanensis, A Beato Carolo Borromaeo  
Titvli Sanctae Praxedis compositus continetur

**Borromeo, Carlo**

**Brixiae, 1603**

Formula litterarum peregrinationis pro laicis hominibus.

**urn:nbn:de:hbz:466:1-10502**

hibendam eleemosinæ largitatem in domino hortentur; quod cum fecerint, sciant quidquid de temporalibus facultatibus, in pauperibus opem ferendo dempserint, id omne multiplicatum in æterna retributione recepturos. Præsentibus tamen post . . . minime valituris. In quorum fidem. Dat.

Formula facultatis pro officio Cantoris.

**C**AROLVS &c. Dilecto nobis in Christo. Tibi N. homini laico, cuius vita, & mores, per testimoniationes nobis factas, probantur: his nostris literis permittimus, præ clericorum inopia, cantoris in Ecclesijs huius vrbis, & diocesis, exceptis illis quæ Monialium sunt, munus suscipere. Quo munere dum vel intus in Ecclesia, vel foris, ob Missæ, diuinorum officiorum, funeralium, processionum, aliarumque ecclesiasticarum actionum celebritatem fungeris; has Ecclesiasticæ disciplinæ leges tibi præscripsimus.

Vt scilicet clericali habitu, ad nostrorum Conciliorum præscriptum, tunc temporis in illis Ecclesiasticis officijs actionibusve vbique semper vtaris.

Camisias non ad collam, nec ad manum crispatas, & caligas item clericali more induas.

Non solum vestitu, sed vitæ etiam moribus clericalem modestiam præferes.

Superpelliceum mundum, non lacrum, & ad formam constitutionibus nostris præscriptam induas.

In diuinis officijs nè profana cantica adhibeas.

In Missæ conuentualis sacro, ingresses, gradualia, offertoria, & alia id generis canas, quæ ex Ecclesiæ instituto, ad eam sacrificij Missæ actionem, quæ fit, propriè accommodata sunt.

Si quando autem, quo tempore sacerdos secreta agit, aliquid canendum videbitur, ne quidquam canas, quod etiã illi actioni aptè conueniens, nobis non ante probatum sit.

Atidemque quod ad probationem at-

tinet, in alijs diuinis officijs serues.

In sacris canticis, molles flexiones, voces magis gutture oppressas, quam ore expressas, & denique lasciuam omnem canendi rationem caueas.

Cantibus vtaris, qui graues sint, pijs, ac distincti, & domui Dei, diuinisque laudibus accommodati, vt simul & verba intelligantur, & ad pietatem auditores excitentur.

Quæ de modulandi ratione, cantibusve adhibendis, ac disciplina in hoc munere seruanda, Prouincialibus, diocesanisve Concilijs, ac tabellis nostris præscribuntur, aut prohibentur, diligenter serues.

Has autem nostra, per . . . tantum tibi suffragari volumus. Dat. in ædibus nostris Archiepiscopalis Die . . . Mense . . . anni . . .

Formula literarum peregrinationis pro laicis hominibus.

**C**AROLVS &c. Dilectum filiũ N. nostræ Mediolanen. . . . . visitan. proficisci volentem, cum nobis ex R. eius Parochi attestacionibus constet, ipsum nuper sacramento penitentia munitum, ac sacrosancta Eucharistia refectum esse, his nostris testimonialibus literis cum benedictione dimittimus; omnibusque ac singulis fidelibus plurimum in Domino commendamus. Dat. &c.

Formula literarum peregrinationis ad urbem Iubilei causa pro iisdem laicis.

**C**AROLVS &c. Dilectis in Christo N. N. Exposuistis nobis, vos Iubilei causa ad sanctam urbem, etiam de Parochi vestri cõsilio, peregrinari velletis propterea ex veteri Canonum instituto nostras testimoniales literas expetistis. Nos igitur sanctum animi vestri propositum pietatemque commendantes, & vobis in Domino benedictes, has testimoniales nostras literas damus, quarum facultate vobis liceat, vbique cuicumque confessario Sacerdo-

ei probato peccata vestra confiteri. Illud verò vos paternè admonemus, vt priusquam vos in viam detis, de peccatis vestris confessi, sacram Eucharistiam sumatis; benedictionem etiam, quæ religiosis precationibus ex Ecclesiæ instituto peregrinis adhibetur, à Parocho vestro petatis, & accipiatis; peregrinando omnia fugiatis, quæ deuotionis studium impedire possunt; illa solum amplectamini, quibus vestra pietas excitetur; ac potissimum instetis orationi, sanctis meditationibus, pijs colloquijs, elemosinasque si per facultates potestis, in pauperes conferatis; ab omni denique peccato, atque adeo peccandi occasione abstinentes, religiose sanctorum Ecclesiarum, sacraque loca visitetis, vt peccatorum vestrorum plenissimam Indulgentiam cum vitæ emendatione consequamini. Illud etiã meminertis, vt à sancta peregrinatione reuersi, primò Parochum vestrum conueniatis, qui vobis ex Ecclesiæ instituto sanctis orationibus benedicat, & à Deo quæ vobis perpetuò salutaria futura sunt, precetur. Dat. &c.

Formula qua iubetur Parocho, vt denunciaret primam Missam solennem Archiepiscopi postquam is ad suam stationem Archiepiscopalem venit.

CAROLVS &c. Reuerende Patroche. Quod antiquissimi instituti olim fuit, idemque decreto Concilij Prouincialis renouatum est, vt Missæ Archiepiscopales à Parochis in altari de more denuncientur, cum id obseruari velimus, tuæ curæ est, . . . die . . . Missam solennem, quam adiutrice Dei gratia, nos Dominica proximè sequenti, quæ dies erit . . . primùm celebraturi sumus, populo tuo in Missa Parochiali denunciare. Quod vt charitas tua faciat, hortamur, & mandamus: vt frequentior ipse populus omni deuotionis studio adsit, & benedictionem nostram pio affectu percipiat. Præterea literas Indulgentiæ Plenariæ ob eam rem omnibus Christifidelibus

è S. D. N. concessæ, de more inter Missarum solennia de scripto promulgabis. Vale in Domino. Ex ædibus nostris Archiepiscopalibus die . . .

Formula denunciandi decretum Concilij Prouincialis secundi contra Notarios legata ad pias causas non denunciantes.

CAROLVS &c. Reuer. Curato. Accioche il tēpo non faccia vscir dalla memoria de gli huomini, quello che hà bisogno di effecutione; massimamente doue concorre l'interesse delle persone, & luoghi pij; vi mandiamo inserto il decreto del Concilio Prouinciale, in materia del denunciare i legati pij: il quale non mancarete di leggere . . . dopò la riceuuta di questa, nella vostra Messa, in modo che il popolo tutto lo possa intendere; & Dio vi benedichi. Di Milano

Decreto pubblicato nel Concilio Prouinciale secondo di Milano, cōtra li Notari, che non haueranno riuelato in tempo li legati à cause pie fatti negli instrumenti da loro rogati.

Ogni Notaro, che saperà esser stato rogato, auanti questo decreto d'alcun Testamēto, ò d'altra vltima volontà doue siano fatti legati à cause pie, se frà sei mesi da poi c'hauerà saputo la morte di quel Testatore, non hauerà manifestato tali legati al Reuerendiss. Arciuescouo di Milano, ò suo Vicario, incorra subito in pene di escōicatione.

E nella medema pena incorrino quelli, che dopò esso decreto saranno stati rogati de legati pij fatti, come di sopra è detto; se frà il termine di tre mesi, dopò c'haueranno inteso che il Testatore sia morto, non gli haueranno denunciati ad vno delli sudetti Reuerendissimi Arciuescouo, ò suo Vicario.